

Habe mit seinem Leiden ihm selber etwas verdienet / ist ohn-  
gereimbt / wie Calvinus selber gestehet : vnd was were Chri-  
sto solches auch nach seiner menschlichen Natur / nütze / wei-  
len er durch die persönliche Vereinigung / nach derselben / viel  
besser worden denn die Engel / Heb. 1. v. 4. vnd also ist er auch  
vns zu gute auferstanden : Vns ist er geboren / Esa. 9. v. 6.  
Luc. 2. v. 11. für vns hat er das Geseze erfüllet / Matth. 5. v.  
17. vmb vnser Sünden willen ist er dahin gegeben / Rom. 4.  
v. ult. vnd auch vmb vnser Gerechtigkeit willen auferwecket /  
ibid. dann so er nicht auferstanden / so sind wir noch in vn-  
sern Sünden / 1. Cor. 15. v. 17.

Calvin. l. 2.  
instit. c. 17.  
sect. 6.

2. Specialiter: **Insonderheit** : Dann da hat er  
vns durch seine Auferstehung zu wege gebracht :

a. **Bona privata** : Solche Güter / daß vnserer  
Feinde Recht / welches sie auffer Christo an vns gehabt / ge-  
schwächet : als da gewesen ;

1. **Jus peccati** : **Der Sünden Recht** : Gott hat  
vns Menschen ohn alle Sünde / nach seinem Ebenbild er-  
schaffen / Gen. 1. v. 27. denn er sahe an alles was er gemacht  
hatte / vnd sihe da / es war sehr gut / Gen. 1. v. 31. Aber weilten  
vnserer Paradiß-Eltern / durch Verführung des Teuffels vnd  
Übertretung des Göttlichen Verbots / in Sünde gerah-  
ten / so werden wir darin empfangen / Psal. 51. v. 7. sind all-  
zumahl Sünder / vnd mangeln des Ruhms den wir an  
Gott haben solten Rom. 3. v. 23. vnd wegen dieses / waren wir  
auch dem Todt vnd Teuffel vnterworffen : Da machet sich  
nunder Sohn Gottes an diesen erste Feind / die leidige Sün-  
de / läset dieselbe in seinem Leiden vnd Sterben auff sich  
werffen / Esa. 53. vers. 6. trägt dieselbe als das unschuldige  
Lämblein Gottes / Joh. 1. v. 29. wird für vns zur Sünde /

H ij das